



UNIVERSITÄTS-
BIBLIOTHEK
PADERBORN

Universitätsbibliothek Paderborn

Theologia Moralis

Antehac Ex Probatis Auctoribus breviter concinnata

Busenbaum, Hermann

Coloniae Agrippinae, 1713

Quæst. 76. An conveniens fuerit materiam Eucharistiæ esse panem &
vinum.

urn:nbn:de:hbz:466:1-42545

»vel in amentiam incidat, nec sit alius, qui pos-
 »sit Sacrificium perficere, *Suar. Vsq. &c.* Si au-
 »tem alius supplere, & Sacerdos infirmus Com-
 »munionem suscipere potest, debet hostia divi-
 »di, eique pars dari, *Tambur. de exped. Sacrif. l.*
2. c. 8.

» Dixi II. *Licite*, quia validè alterutram tantum
 »consecrari, est certum: ut patet tum ex facto
 »Christi, qui panem antè consecravat, tum ex
 »praxi Ecclesiæ, quæ Corpus ante Sanguinem
 »proponit adorandum.

A D D E N D A.

418. Q. 76. *An conveniens fuerit materiam Eucha-*
ristic esse panem & vinum. R. Affirmativè cum S.
Thom. q. 74. a. 1. & Catech. Roman. de Euch. cap. 3.
a. 2. Congruentiæ sunt, 1. Sicut aqua est assum-
 pta ad Baptismum, quia illa aptissimè signifi-
 cat ablationem animæ, quam Christus per Ba-
 ptismum intendebat, ita cum Christus per Eu-
 charistiam intenderet spiritualem refectionem,
 corroborationem & exhilarationem animæ,
 aptissimè illam instituit in pane & vino, quibus
 homines communius reficiuntur, corroboran-
 tur & exhilarantur. 2. Cum Christus in Eucha-
 ristia deberet esse permanens vita spiritualis ani-
 mæ, rectè ex pane & vino conficitur, quibus vita
 humana potissimum permanet. 3. Quia hoc Sa-
 cramentum erat ad utilitatem corporis & ani-
 mæ, Corpus Christi sub specie panis est pro sa-
 lute corporis, Sanguis Christi sub specie vini pro
 salute animæ, secundum illud *Levit. 17. v. 11.*
anima carnis in sanguine est. 4. Quia hoc Sacra-
 mentum debebat esse signum & causa unionis
 fide-

fidelium in Ecclesia, hæc aptissimè significabatur per panem, qui conficitur ex multis granis, & per vinum, quod confluit ex multis uvis. 5. Cum hoc Sacramentum deberet esse memoriale passionis & mortis Christi, passio optimè significatur per panem, qui in area & mola atteri, ac per vinum, quod in torculari calcari ac premi debet: Similiter mors Christi significatur per hoc, quod Corpus & Sanguis vi verborum quasi separentur, & Corpus loco panis significetur sine Sanguine, & Sanguis loco vini significetur sine Corpore. 6. Sic suadetur nobis veritas presentie Corporis & Sanguinis Christi, nam cum panem & vinum in carnem & sanguinem humanum vi naturæ quotidie immutari animadvertamus, facilius adduci possumus hæc similitudine, ut credamus panis & vini substantiam in Christi Carnem & Sanguinem supernaturaliter converti. Hæ congruentiæ desumptæ sunt ex SS. PP., quos refert Rayn. in Candel. f. 3. cap. 2. à n. 16, ubi etiam ostendit Eucharistiam convenientissimè institutam esse sub modicis speciebus panis & vini.

Q. 77. Quandonam materia Eucharistiæ censeri debeat substantialiter, vel tantum accidentaliter mutata. R. Colligi debet, partim ex dictis à n. 18. & 21., partim ex dicendis in seqq. dubiis.